

WAN .TANGI FU SAKAFASI

Les 4 fu 24 Yanuwari 2026





“Meki mi prisiri
furu; abi a srefi
denki, a srefi
lobi, leki wan singi
grupu, ya a srefi
denki.”

Filipensen 2:2




Pawles dyonsro ben kraka den bribiwan ini Filipes fu tnapu tranga fesi den chalans fu a kresten libi. A aksi den fu tyari densrefi so wan fasi dati a de warti fu de borgu fu heimel, spesrutu fu de wan.

Nanga a taki" datmeki", Pawles e bigin wan nyun pisi, pe ai gi den sroto fu ferstan fa fu doro a de wan ,wan perfekti fasi; pe wi e waka baka a eksemple fu Yeises.




Pe a prati kmoto (Filipense 2:1-3a)



De wan tangi fu sakafasi (Filipense 2:3b-4)



Denki leki Yeises (Filipense 2:5)



A maniri fu Yeises (Filipense 2:6-8)

PE A PRATI KMOPO

"No du wan sani, fu yu srefi wawan noso suku grani fu sma." (Filipense 2:3a)

Bifo a poti en finga tapi a siki presi, fu sori sainde prati de, di den sma fu Filipi ben si, mindri den sma fu Filipenses, san na den fosi pisi rai a gi den, fu kisi a de wan, fu meki en prisiri kon perfekti ? (Filipensen 2:1,2)



Trostu ini Krestes

Ai kraka den fu stuka e'n fu waka a model libi fu Krestes.

Trostu ini lobi

Den lobi gi Krestes e tya wan tranga krakti di e trusu den denki.

Taki fu a Yeye

Den musu meki a Yeye tyari den.

Lobi mus kmoto na ati


Den musu sori a safu nanga waran firi te lobi de mindri sma.

Kenade

Meki den sori dati ekte lobi de di de fu si ini du fu kenade na alasma.

De wan ini firi nanga lobi

Lobi makandra e meki wi denki a srefi e'n ai tya wroko makandra.



Den ben sa kon so fara nomo efu den poti na wan sei san ben e prati den.: hei memre nanga krutu. (Filipense 2:3a).

Ala tu fu den problema disi ben de ini a kakafutu fu Lusifer e'n de mindri den moro seriusu problema ini a libi makandra. (Gal. 5:26; Yak. 3:16)

WAN ,TANGI FU SAKAFASI

“... ini sakafasi gi trawan warti tapu yu e refi...,sobu no luku yu eigi sani nomo, ma yu ala luku sani fu trawan.” (Filipensen 2:3b-4)




San Pawles e sori leki “ fu de wan”,a no wan sani fu dorosei, ma fu insei fu wi:sakafasi.Boiti dati na wan maniri fu Yeises,A ben kraka den di e arki fu abi sakafasi.(Mat.11:29;18:4;23:12).

Fu abi a sakafasi disi, Pawles e gi a rai , fu si trawan moro prenspari leki wi srefi.(Fili.2:3). Ma wi ala no de a srefi na Gado fesi ? A no musu de so dati wi ala de a srefi fu wi de wan?

Pawles no e taki dati *wi* de moro lagi leki trawan,ma dati *wi musu denki wi srefi* so . So leki wan dinari e suku a bun fu en masra, wi musu suku a bun fu den di wi e si moro hei leki wi srefi. (Fili.2:4).

Fu kan yepi trawan, wi musu leri fu arki den fu ferstan den bun. Disi wi no kan si trafasi leki a wroko fu a Santa Yeye.




DENKI LEKI YEISES

"Meki a denki disi de ini yu, di owktu ben de ini Krestes Yeises."
(Filipensen 2:5)

Fa yu denki e seti ? Tangi fu " den strati fu a sili " , sobu san wi e si nanga firi . Ala san wi e leisi ,si noso yere , e seti wi wan sortu fasi. A de so ,dati Satan e bombaderi wi yesi, ai nanga firi fu seti wi denki , fu denki leki en.

Pawles e go na a rutu fu a tori. No soso ai aksi wi fu wegi wi denki, ma ai aksi wi fu denki fa Krestes ben e denki.(Fili. 4:8;2:5).

Kan de wi kan, nanga tranga,kisi a fosi sani. Ma fu kenki wi denki fu de di fu Yeises, na soso a Santa Yeye kan du dati.



Bika wi denki de na skin fasi e'n wi ati e kori wi (Yer. 17:9). A Yeye sa frander wi denki di de na skin fasi,kon tron na yeye fasi, leki di fu Krestes. (Roma 8:1,5).



“Toku wi musu wroko fu kaka futu teige tesi. Den di no wani fadon gi den sani fu Satan musu skoto den pasi fu fen sili; den no musu leisi, luku noso yere sani di sa tya denki di no krin. A denki no musu waka waka fa a wani.na ala sani di a feiyanti fu sili e tya kon na fesi.”

A MANIRI FU YEISES (1)

"di ben de ini a fasi fu Gado, no si dati leki fufuru fu de a srefi leki Gado" (Filipensen 2:6)

Pawles e tyari dri sani fu Yeises na fesi:

A poti den Gado sani fu En na wan sei.(Filip.2:6)

A tron wan man fu dini wi.(Filip 2:7)

Nanga sakafasi a gi yesi na ala sani, en dede srefi.(Filip.2:8)



A ben de Mekiman, a tron mekisani. A teki fu den du takru nanga en, dede na a kroisi fu A ben kan ferlusu wi.

Ala di a ben de a srefi leki den tu tra Gado,sobu a Santa Yeye nanga a Tata, a saka di Yeises saka ensrefi gi a wani fu a Tata alaten ben de perfecti. Noiti wan momenti ben de dati a no ben wan saka ensrefi.

Te wi prakseri disi, na soso saka wi kan saka wi srefi fu anbegi wi wondru ferlusu man.

En na wi model,fu waka na En baka. Wi musu wani fu saka wisrefi,gi wisrefi abra fu trawan feni bun.



A MANIRI FU YEISES (2)

"Sondro strei a dipi koni fa Gado de, di wi no man ferstan, dati Gado sori na skinfasi. A Yeye rekfardek dati, engel si dati, a preiki mindri den hijden, e'n grontapu bribi. "Ini glori den teki en na hei " (1 Tim. 3:16)

A ferwrondu saka di Yeises saka ensrefi, tron wan libisma, sa de wan tori fu stuka na den ferlusuwan fu teg.

Wi no man bribi, dati a Mekiman di de tego, tron wan sma di abi kba, sobu dede tron en basi. Disi Pawles e kari" a koni fu Gado, di wi no man ferstan "(1 Tim. 3:16).

Yeises saka fu a makti tapu alasani, fu tron a knekti fu ala. Dati ben de yoisti, san Lucifer no ben wani, sobu a ben wani, makti tapu alasani, ala di a ben de wan knekti.

A eksemple disi e kari wi fu libi a prakseri fu soso denki yusrefi nanga a winsi fu trawan dini wi, fu teki sakafasi nanga a wani fu dini trawan.



“Gado e gi ala sma fu ufen en srefi. A no e winsi no wan sma fu sungu en denki ini a denki fu wan sma di o dede leki en. Den di wani fu frander ini denki nanga maniri no musu luku libisma,ma a Eksempre fu Gado. Gado e kari wi,” Meki a denki disi de na yu ini,di owktu ben de ini Krestes Yeises.” Te yu drai yu libi,te yu frander yu sa kisi a denki fu Krestes.”

EEGW (That I May Know Him, May 8)